



Број:
Sarajevo, 22.12.2021. godine

ZLATKO MILETIĆ
Dom naroda Parlamentarne skupštine BiH
Klub Hrvata

PARLAMENTARNA SKUPŠTINA BIH
DOM NARODA
n/r: g. Dragan Čović, predsjedatelj



PRIMLJENO: 22-12-2021			
Organizaciona jedinica	Klasifikaciona oznaka	Redni broj	Broj priloga
02-	50-6-	2219	24

Na osnovu člana/članka 9. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) dostavljam:

INICIJATIVU

Imajući u vidu nadležnost Ministarstva civilnih poslova Bosne i Hercegovine (*Ministarstvo se stara o poslovima koji su u nadležnosti Bosne i Hercegovine, i koji se odnose na utvrđivanje temeljnih principa koordiniranja aktivnosti, usklađenosti planova entitetskih tijela vlasti i definiranje strategija na međunarodnom nivou u oblastima: zdravstva i socijalne zaštite, penzija, nauke i obrazovanja, rada i zapošljavanja, kulture i sporta, geodetskih, geoloških i meteoroloških poslova*), u skladu sa Poslovníkom Doma naroda PSBIH **iniciram**, da Ministarstvo civilnih poslova BiH u suradnji sa Gradskim vijećem Grada Mostara, razmotri i pomogne na najefikasniji način izgradnju olimpijskog bazena u gradu Mostaru kroz projekat Plivačkog kluba „Orka“ - Mostar, pogotovu imajući u vidu da će zbog uslova pandemije dio sredstava Ministarstva ostati neutrošen. Ukoliko to nije moguće, iniciram da Ministarstvo koordinira otvaranje žiro-računa za pomoć izgradnje jednog ovakvog sportskog projekta od kojeg bi imala korist sva djeca grada Mostara.

OBRAZLOŽENJE

Imajući u vidu svjetski i evropski uspjeh u plivačkom sportu naše petnaestogodišnje djevojčice iz Mostara, Lane Pudar, te činjenicu da je navedeni svjetski i evropski respektabilan rezultat (3. mjesto na Svjetskom prvenstvu 200 m delfin i istovremeno najbolji juniorski rezultat u Evropi i 7.mjesto na svijetu 100 m delfin) ostvarila na način, da ona osobno i njen trenerski tim pa i plivački klub, nisu imali posebnu pažnju institucija Bosne i Hercegovine, molim Vas i iniciram, da


Vi kao nadležno Ministarstvo civilnih poslova BiH, pomognete u omogućavanju boljih uslova za rad i trening naše Lane Pudar ali i sve talentovane djece u ovom sportu u gradu Mostaru. Mišljenja sam, da je naša obaveza pomoći svu talentovanu djecu pa i u ovom sportu, jer zvuči apsurdno da je naša Lana, možda jedina djevojčica od svih renomiranih svjetskih i evropskih plivača koja u svom gradu nema bazen za trening što je apsurd neviđenih razmjera i nije samo Lana hendikepirana nebrigom institucija Bosne i Hercegovine već i sva djeca grada Mostara koja su talentovana za ovaj sport a koja su za razliku od nas, mnogo ponosnija kad predstavljaju našu domovinu Bosnu i Hercegovinu.

Postoje dva načina kako bi mogli pomoći navedeni projekat. Prvi je da u suradnji sa Gradskim vijećem Grada Mostara, razmotrimo i pomognemo na efikasan način izgradnju olimpijskog bazena u Gradu Mostaru sve kroz projekat Plivačkog kluba „Orka“ - Mostar, na način da neutrošena sredstava Ministarstva, a siguran sam da će ih biti, da dodjelimo nadležnim institucijama Grada koje će implementirati navedeni projekat. I drugi način, ukoliko predhodno nije moguće, da Ministarstvo, što mu također može biti nadležnost, da koordinira otvaranje žiro-računa za pomoć izgradnje jednog ovakvog sportskog projekta od kojeg bi imala korist sva djeca grada Mostara. Intencija je da prije svega izbrani i imenovani zvaničnici u Bosni i Hercegovini, na dobrovoljnom osnovu, priložima, pomognu razvijanju sportske kulture u gradu Mostaru te na taj način pomognu u stvaranju optimalnih uslova u postizanju vrhunskih sportskih rezultata ne samo naše Lane, već svih dječaka i djevojčica za koje mi u stvari i ne znamo. O rekreativnom značaju projekta da i ne govorim.

Molim Vas da me o (ne)prihvatanju ove Inicijative obavijestite pismeno, kako bi ako ne ništa mogli da se samoorganizujemo na drugi način.

S poštovanjem,

ZLATKO MILETIĆ

A handwritten signature in black ink, appearing to be 'Zlatko Miletić', written over a horizontal line. The signature is fluid and cursive, with a long horizontal stroke at the end.